



## **Clypevs Theologiæ Thomisticæ**

Continens Tractatus de attributis, de visione Beatifica, de scientia Dei, ac  
de ejus voluntate, & Providentia

**Gonet, Jean-Baptiste**

**Parisiis, 1669**

Art. V. Quomodo concurrat intellectus lumine gloriæ elevatus ad visionem  
beatificam, an ut causa principalis, vel instrumentalis?

---

[urn:nbn:de:hbz:466:1-77232](#)

44.

Objicies secundò contra secundam conclusio-  
nem. Illud quod habet rationem medijs, & dis-  
positionis, est minus perfectum eo quod ha-  
bet rationem termini, & finis, ac ultima formæ:  
Sed gratia sanctificans, & alia dona supernatu-  
ralia, se habent respectu visionis beatæ, sicut  
media ad finem, & dispositiones ad formam ultimam; unde gratia vocatur à D. Thoma 2. 2.  
quæst. 24. art. 3. ad 2. quædam inchoatio gloriae  
in nobis. Ergo gratia est minus perfecta quam  
visio beatifica, ac proinde quam lumen gloriae,  
quod est principium proximum & immediatum  
illius.

Respondeo distinguendo Majorem: Illud quod  
habet rationem medijs, est minus perfectum, eo  
quod habet rationem ultimi finis, objectivi, con-  
cedo: formalis, nego. Similiter distinguo Mi-  
norem: se habent sicut media ad finem, forma-  
lem, concedo: objectivum, nego.

Explicatur: Visio beatifica est solum finis ultimus ac beatitudo formalis, quia est consecutio  
ultimi finis, ut docet D. Thomas 1. 2. quæst. 3.  
art. 8. ad 2. Quod autem ad finem qui est conse-  
cutio ordinatur, non opus est ut sit illo imper-  
fectius: sicut nec unumquodque quod est propter  
suam operationem, oportet esse imperfectius  
illâ, aut ejus principi effectivo proximò.

Ad aliud quod additur, dicendum quod gratia  
dicitur inchoatio gloriae, aut semen illius, vel  
dispositio ad illam; non quia sit ea imperfectior,  
sed quia illam virtute continet, tanquam princi-  
pium meriti de condigno vita eternæ; nam ut  
ait D. Thomas quæst. 29. de verit. art. 6. Mer-  
ritum est causa premij secundum reductionem ad  
causam efficientem, in quantum meritum facit di-  
gnum premio, & per hoc ad premium disponit.

## ARTICULUS V.

Quomodo concurrat intellectus lumine gloriae  
elevatus ad visionem beatificam, an ut  
causa principalis, vel instrumentalis?

§. I.

Premittitur quod apud omnes est certum.

45. Suppono tanquam certum, & ab omnibus  
sæc. Theologis contra Nominales receptum: Deum non producere visionem beatificam in intel-  
lectu beati, ipso merè passivè se habente, sed intel-  
lectum creatum lumine gloriae elevatum,  
activè in eam influere.

Ratio fundamentalis est, quia visio beata est  
actio vitalis: Ergo debet active procedere ab intel-  
lectu creato, lumine gloriae perfusio. Conse-  
quentia patet: in hoc enim differt natura vivens  
ab inanimata, quod illa se movere ab intrinseco,  
& est principium activè influens in suas opera-  
tiones; altera vero solum ab extrinseco move-  
tur, & in se recipit motum ab alio productum.  
Antecedens vero probatur primò, quia in Scrip-  
ptura, beati videntes Deum dicuntur vivere vita  
eterna; juxta illud Ioan. 17. Hæc est vita eterna,  
ut cognoscant te Deum verum. Secundò, quia vi-  
dere Deum, est intelligere, & cognoscere illum  
ut in se est: Sed intellectio & cognition, actio vi-  
talis est, ut constat; sicut esse intellectivum &  
cognoscitivum, dicit gradum vita perfectissimum:  
Ergo visio beatifica, actio vitalis est.

Tertiò, Sicut gratia habitualis est participatio  
vitalitatis divinae per modum radicis, ita etiam

A lumen gloriae est formalis participatio vita divi-  
na per modum principij proximi: unde sicut ho-  
mo justus, per gratiam & charitatem vivit vita  
supernaturali, ita & beatus, videndo Deum vi-  
vit vita eternâ & beatâ.

Confirmatur primò ex Tridentino sess. 6. can. 4.  
definiante, liberum arbitrium non se habere merè passivè in ordine ad actus quibus ad justificationem disponit: Sed non alia ratione, ad actus predictos non comparatur merè passivè liberum  
arbitrium creatum, nisi quia sunt vitales, & con-  
sequenter debent procedere ab intrinseco: Ergo  
cum visio beatifica vitalis sit, debet etiam à prin-  
cipio intrinseco activè concurrente procedere.

Confirmatur secundò: Si beati nihil agerent  
in visione beatifica, frustra daretur eis lumen  
gloriae, frustra essentia divina eorum mentibus  
uniretur per modum speciei impressæ & expre-  
ssæ: ad quid enim illa visionis beatæ principia,  
si nullam eliciant intellectuonem, sed merè passivè  
se habeant? Et si Deus tantum in illis, & non  
per illos operatur, ad quid elevatur eorum intel-  
lectus? Hoc presupposito tanquam certo, inquiri-  
runt Theologi modum quo intellectus lumine  
gloriae elevatus, activè influit in visionem beatam;  
an ut causa principalis, vel instrumentalis?

## §. II.

Difficultas resolvitur.

Dico igitur: Intellectus creatus, lumine gloriae  
perfusus, producit efficienter visionem beatifi-  
cam, ut vera causa secunda principalis, & non  
ut merum instrumentum Dei. Est contra Suarem  
lib. 2. de attrib. cap. 16. Vazquem, & alios recentiores.  
Est tamen D. Thoma 2. 2. quæst. 23. art. 2.  
& quæst. 24. verit. art. 1. ad 5. & omnium Tho-  
mistarum.

Probatur primò conclusio: Nam ut docet S. Thomas  
locu ultimò citato, causa instrumentalis est illa,  
qua ita moveret ab aliquo agente ex-  
trinseco, ut tamen seipsum à principio intrinseco  
non moveat; ut constat in terra, mallo, &  
aliis instrumentis artificialibus: Sed intellectus  
creatus, lumine gloriae perfusus, non ita move-  
tur à Deo ad visionem beatificam, ut seipsum à  
principio intrinseco non moveat: Ergo non con-  
currat ad illam per modum instrumenti, sed per  
modum causæ principalis. Major patet, Minor  
probatur. Intellectus videns Deum, vitaliter ope-  
rat, & vivit vita eternâ & beatâ, ut ostendimus  
§. præcedenti: Sed de ratione causæ vitalis,

E & vitaliter operantis est, quod se moveat ab intrinseco, ut docent Philosophi in libris de anima:  
Ergo intellectus videns Deum, movere se  
ab intrinseco ad visionem beatificam.

Probatur secundò: De ratione instrumenti  
propriæ sumpti est, ut elevetur extra latitudinem  
sui objecti adæquati; ut constat in aqua baptisi-  
mali, qua elevatur ad producendam gratiam, qua  
est extra latitudinem objecti adæquati cuiuscum-  
que agentis creati: Sed intellectus creatus in vi-  
sione beatifica non elevatur extra latitudinem sui  
objecti adæquati; ut patet ex dictis in prima dis-  
putatione, ubi ostendimus, quod licet Deus clari-  
rè visus, non continetur intra objectum connaturale  
& proportionatum intellectus creati, con-  
tinetur tamen intra latitudinem objecti adæquati  
illius, quod est ens ut sic, analogice commune  
Deo & creaturis: Ergo intellectus creatus, lumi-  
ne gloriae perfusus, non concurrit instrumen-  
taliter

taliter ad visionem beatificam.

**50.** Confirmatur: Instrumentum propriè sumptum, neque habet virtutem proximam, neque radicalem ad effectum causæ principalis aqua enim v.g. non habet virtutem radicalem ad producendam gratiam, neque serra ad scindendū artificiosē; Sed intellectus creatus habet virtutem, saltem radicalem & remotam, ad videndum Deum, ut supra ostendimus; alioquin non influeret activè in visionem beatificam, sed ad illam merè passivè se haberet, sicut aqua respectu calefactionis: Ergo ad illam non concurrit instrumentaliter.

**51.** Probatur tertio: Quando aliquis effectus, vel actus est connaturalis alicui potentie activae, procedit ab illa tanquam à causa principali: Sed visio beata est connaturalis intellectui creato illustrato lumine gloriae: Ergo ab illo ut à causa principali procedit. Major patet, nunquam enim potest effectus, seu actus, connaturaliter procedere ab instrumento; v.g. nunquam productur connaturaliter gratia à Sacramento, quia instrumentum solum agit ut motum à principali agente; quare effectus nunquam potest illi esse connaturalis, sed solum agenti principali. Minor verò probatur. Intellectus lumine gloriae perfusus, est ordinis divini, & veluti deiformis, & participat vim proximam intelligendi que est in Deo: unde sicut vis proxima intelligendi Dei, illum respicit connaturaliter tanquam objectum sibi proprium & proportionatum, & habet essentiam divinam per modum formæ, & speciei intelligibilis sibi connaturaliter unitam, sive potius identificatam: ita & intellectus lumine gloriae perfusus, connaturaliter respicit Deum tanquam objectum proportionatum, & exigit uniri essentiaz divinae, ut speciei & formæ intelligibili, ut antea exposuimus.

Addo quod, signum connaturalitatis actus cum potentia, est delectatio quam percipit potentia in tali actu; unde D. Thomas infra quæst. 18. art. 2. ad 2. Contingit aliquorum operum, esse hominibus non solum principia naturalia, sed etiam quedam superaddita, ut sunt habitus inclinantes ad quedam operationum genera, quasi per modum naturæ, & facientes illas operationes esse delectabiles. Sed intellectus creatus, lumine gloriae perfusus, maximè delectatur in visione beatifica, immo per ipsam redditus beatus: Ergo visio beatifica est illi connaturalis.

**52.** Dices, Non potest esse magis connaturale intellectui, ut habent lumen gloriae, videre Deum, quam habere ipsum lumen: Sed habere lumen gloriae, non est connaturale intellectui creatus: Ergo visio beatifica non est connaturalis intellectui creatus, lumine gloriae illustrato.

Respondeo negando Antecedens, quia non est eadem ratio de lumine gloriae, & de intellectu illud habente: nam lumen gloriae non supponit in intellectu formam aliquam, ratione cuius constituantur subjectum aliquo modo connaturaliter receptivum illius, sed solum potentiam obedientiam passivam: visio autem supponit lumen constitutum intellectum aliquo modo connaturaliter elicivum & receptivum illius.

**53.** Probatur quarto conclusio contra Suarezum argumento ad hominem. Si intellectus haberet se à causa instrumentalis ad visionem beatam, non egeret lumine gloriae ad videndum Deum, etiam de via ordinaria; & oculus corporeus posset elevari ad visionem beatam: Utrumque falsum est, & contra illum Authorem: Ergo &c. Major

A quoad primam partem probatur: quia juxta illum, instrumenta Dei non elevantur, nisi per potentiam obedientiale singulis rebus creatis inditam: Cur ergo intellectus indigeret ita lumine gloriae, ut non nisi per miraculum posset sine illo videre Deum? Aut cur non ponit in aliis instrumentis similes qualitates ad hoc ut eleventur? Hæc duo, sine dubio, parum sibi consentiunt in illius doctrina.

Probatur eadem Major quoad secundam partem: Instrumenta possunt elevari ultra suum objectum adæquatum, & specificativum; ut constat in Sacramentis, quæ elevantur ad producendam gratiam: Ergo si homo concurrat solum instrumentaliter ad videndum Deum, poterit ejus oculus elevari ad visionem Dei, licet Deus non contineatur intra objectum adæquatum ipsis, sicut nec gratia intra virtutem adæquatam aquæ sacramentalis.

**54.** Confirmatur: Quando agens est infinita virtus, sicut Deus, potest de potentia absoluta, ut quolibet instrumento ad quicunque effectum, vel eundem effectum immediatè per seipsum causare: Ergo si intellectus creatus, instrumentaliter tantum concurrat ad videndum Deum, poterit ad sui visionem elevare, non solum oculum corporeum, sed lapidem, vel plantam; vel etiam se solo producere visionem intellectus creatus, illo merè passivè se habente: At hæc omnime repugnant, ut constat ex supra dictis: Ergo intellectus creatus non concurrit instrumentaliter ad visionem beatificam.

Probatur ultimò: Si intellectus creatus instrumentaliter tantum concurreret ad visionem in patria, etiam voluntas se haberet solum per modum instrumenti, ad actus supernaturales quos elicit in via: Consequens est absurdum: Ergo & Antecedens. Major patet, nam ratio principia cur visio beata dicatur produci à nobis instrumentaliter, est supernaturalitas, quæ reperitur in actibus viæ. Minor verò probatur ex D. Thoma 2. 2. quæst. 23. art. 2. ubi inquit: Non potest dici, quod si moveat Spiritus Sanctus voluntatem ad actum diligendi, sicut moveatur instrumentum: sic enim tolleretur ratio voluntarii, & excluderetur ratio meriti. Idem docet in hac parte quæst. 105. art. 4. ad 3. his verbis: Si voluntas ita moveretur ab alio, quod ex se nullatenus moveretur, opera voluntatis non imputarentur ad meritum, vel demeritum; sed quia per hoc quod moveatur ab alio, non excludetur quin moveatur ex se, ideo per consequens non tollitur ratio meriti, vel demeriti. At si voluntas haberet rationem puri instrumenti in ordine ad actus supernaturales, non moveret seipsum ad illos, sed tantum à Deo moveretur: instrumentum enim propriè dictum, non moveat seipsum ad agendum, sed à causa principalis moveatur: Ergo voluntas non habet rationem puri instrumenti in ordine ad actus supernaturales quos elicit.

### §. III.

#### Solvuntur objectiones.

**O**bijiciunt in primis Adversarij: Ss. Patres liberum arbitrium appellare solent instrumentum divinæ gratiæ, & simpliciter negant esse agens principale in negotio salutis; & D. Thomas 2. 2. quæst. 173. art. 4. dicit: Moveatur mens Prophetae à Spiritu Sancto, sicut instrumentum: Ergo à fortiori, idem dicendum est de intellectu crea-

re respectu visionis beatifica.

Secundò arguunt: Illa causa est instrumentalis, quæ agit ut mota & elevata ab alia: Sed intellectus creatus non influit in visionem beatam, nisi ut motus, & elevatus à Deo: Ergo ad illam concurrit instrumentaliter.

Tertiò, Illa non est causa principalis, sed instrumentalis, quæ habet effectum excedentem nativam virtutem, ut patet in aqua calida, quæ est tantum instrumentum respectu calefactionis, quia calor excedit nativam virtutem ipsius: Sed visio beatifica excedit nativam virtutem intellectus creati, ut i. disp. ostensum est: Ergo ad illam non concurrit ut causa principalis, sed tantum ut instrumentalis.

Quartò, Causa principalis, secundum D. Thomam, est illa quæ operatur per propriam formam, proportionatam cum effectu; instrumentalis autem, quæ operatur per virtutem alienam, & derivatam à causa principali: At intellectus creatus non influit in visionem beatam, per formam aut virtutem propriam, sed alienam, & ab extrinseco provenientem, scilicet per lumen gloriae à Deo infusum: Ergo non est causa principalis illius.

Denique, Visio quam D. Paulus habuit in raptu, fuit ejusdem speciei ac illa quæ gaudent beatiti in patria, cùm habuerit idem objectum specificativum, scilicet essentiam divinam clarè visam: Atqui ad visionem illam transiuntem, intellectus D. Pauli non concurrit ut causa principalis, sed tantum ut instrumentalis, cùm ad illam non fuerit elevatus per aliquem habitum, sed per solam Dei motionem, & auxilium transiens, & fluens, quo pacto elevantur instrumenta ad actionem principalis agentis: v. g. penicillus ad pingendum, & Sacramenta ad producendam gratiam, ut docent Thomistæ in materia de Sacramentis: Ergo intellectus creatus, lumine gloriae perfusus, non concurrit principaliter, sed tantum instrumentaliter ad visionem beatam.

57. Ad primum dicendum, quod quando Ss. Patres appellant liberum arbitrium instrumentum divinae gratiae, loquuntur de instrumento impropi sumpto, & in generali quadam acceptance, quæ non extrahit illud extra rationem cause principalis. Ut enim docet S. Thomas quest. 24. de verit. art. 1. ad 5. *Instrumentum dupliciter dicitur: uno modo propriæ, quando scilicet aliquid ita ab altero moveatur, quod non confertur ei à moveente aliquod principium talis motus, sicut serra moveatur à Carpenterio: & tale instrumentum est expers libertatis. Alio modo dicitur instrumentum magis communiter quidquid est movens ab alio motu, sive sit in ipso principium sui motus, sive non.* Et 3. contra Gent. cap. 100. ait, *Cum Deus sit primus agens, omnia quæ sunt post illum, sunt quedam quasi instrumenta ipsius.* In hoc ergo sésu idem S. Doctor assertor quod mens Propheta moveret à Spiritu Sancto sicut instrumentum, & alij Ss. Patres docent liberum arbitrium esse divinæ gratiae instrumentum. Quando vero addunt, illud non esse agens principale in negotio nostra salutis, loquuntur de agente principali simpliciter, & omnibus modis, & quod ita agit & moveat, ut non agatur, vel moveatur ab alio, quod competit soli Deo. Vel loquuntur de gratia sanctificante, & habitibus infusis, quorum solus Deus est causa efficiens principialis, ut docetur in Tractatu de Gratia.

58. Ad secundum distinguo Majorem, Illa est causa instrumentalis, quæ agit ut mota, & elevata;

A si moveatur, & elevetur ad aliquid quod non continetur intra limites sui objecti adæquati concedo. Si elevetur ad aliquid quod continetur intra latitudinem sui objecti adæquati, nego. Unde cùm visio beatifica continetur intra objectum adæquatum intellectus creati, quanvis ad eam elevetur per lumen gloriae, non extrahitur tamen per illam elevationem extra rationem cause principalis.

Secundò respondeatur, quod dupliciter potest aliqua creatura operari, ut elevata à superiori agente: primò ita quod motio, & elevatio illa sit tota ratio, tam formalis & proxima, quæ radicalem & remotam, attingendi effectum: sicut aqua

B ab igne calefacta, & mota, atque ab eo elevata, calefacit manum: illa enim, secundum se nullam habet activitatem, etiam radicalem, & remotam, respectu calefactionis; quin potius ex natura sua illi competit esse principium infrigandi; & tunc talis creatura, solum concurrit instrumentaliter. Secundò, quando elevatio est quidem tota ratio proxima & formalis operandi, sed tamen supponit in potentia quæ elevatur, virtutem activam radicalem, & remotam, quæ per elevationem constituit in ratione potentia proxima, per ordinem ad effectum, qui licet excedat ejus naturam, continetur tamen intra latitudinem adæquati objecti ejusdem potentie; & tunc potentia quæ operatur ut sic elevata, sicut contingit in proposito, concurrit ad alium ut causa secunda principialis, & non ut merum instrumentum. Unde

Ad tertium facile respondeatur, distinguendo Majorem: Illa est causa instrumentalis, quæ habet effectum excedentem nativam ejus virtutem, tam radicalem quæ proximam, concedo: excedentem virtutem proximam, non tamen radicalem, nego.

Ad quartum dicendum, quod quando S. Thomas ait, causam principalem esse illam, quæ operatur per propriam formam proportionatam effectui, nomine propriæ formæ, non intelligi tantum illam quæ competit rei ex proprijs principijs naturæ, sed etiam illam, quæ licet sit supra ejus naturam, & insit ei ab agente extrinseco, perficit tamen potentiam per modum propriæ naturæ, & in ordine ad proprium ejus objectum. Unde cùm lumen gloriae perficiat intellectum connaturaliter, & in ordine ad proprium ejus objectum adæquatum, ut ante expouimus, licet non oriatur ex principijs naturæ, sed à Deo infundatur; tamen intellectus creatus eō perfusus, & illustratus, in visione beatifica habet rationem cause principialis, non autem instrumentalis: motionem enim instrumenti, non perficit illud connaturaliter, & in ordine ad propriam operationem, sed illud elevat ad operationem principialis agentis, & extrahit extra limites proprij objecti adæquati, & specificativi, ut antea expouimus.

Ad ultimum, data Majori, nego Minorem; nam quod forma supernaturalis, quæ intellectus ad visionem beatificam elevatur, insit illi per modum permanentis, vel transiuntis, impertinens est, & omnino se habet per accidens, ad hoc ut concurrat, vel non concurrat instrumentaliter ad illam: quia quocunque ex his modis eleveretur, non extrahitur extra limites objecti adæquati & specificativi; quod sufficit ad rationem cause principialis, ut jam diximus. Unde patet disparitas ad exempla in argumento adducta; penicillus enim, & aqua sacramentalis, elevantur ad

59.

60.

61.

producentis effectus qui sunt extra limites objecti adaequati, & specificativi: non vero intellectus illustratus lumine gloriae, per modum motionis, & auxilij transuentis, communicato.

## DISPUTATIO IV.

## De actu visionis beatifice.

**C**onsiderata possibilitate visionis beatifica, & principijs ad illam concurrentibus, specie scilicet & lumine gloriae; consequens est, ut illam in seipso contemplerem, seu de ipso actu visionis beatifica differamus.

## ARTICVLVS I.

An visiones hominum & Angelorum, specie essentiali inter se different?

**A**ffirmant Richardus, Major, Durandus, Molina, Salas, Herice, & alij, quos citat, & sequitur Alarcon hic disp. 3. cap. 6. Negant vero Thomistæ, & plures alij, cum quibus Dico breviter, visiones Angelorum & hominum non differre inter se specie essentiali.

Probatur primò: Visiones Angelorum & hominum habent idem objectum formale, scilicet Deum, ut visibile in seipso secundum suam essentiam; & eundem modum attingendi illud, scilicet clarè, & sine ullo medio prius cognito. Item habent eandem speciem intelligibilem, nempe divinam essentialiam; & demum à lumine ejusdem speciei procedunt: Ergo sunt ejusdem speciei.

Probatur secundo: Si visio beata Angelorum, esset distincta specie, à visione beata hominum, esset essentialiter illa perfectior; nam cum species sint sicut numeri, dari non possunt duas species aequales in perfectione essentiali; sique nullius hominis, imò nec animæ Christi, visio beata, posset esse tam perfecta, quamvis visio minimi Angeli: nam quantumcunque perficiatur unum individuum inferioris speciei, non potest ad perfectionem essentiali alterius speciei pervenire: docet autem D. Thomas infra quæst. 108. art. 8. erroneum esse assertere, homines transferri non posse ad equalitatem Angelorum: Ergo visiones Angelorum & hominum, non differunt inter se specie essentiali.

Sed contra hanc conclusionem obicitur difficile argumentum, quod sub hac forma breviter potest proponi. Actus non minus dicit ordinem ad principium, quam ad objectum: Ergo sicut ordo essentialis ad diversum objectum, distinguit essentialiter actus, ita illos diversificat ordo essentialis ad principium distinctum: At visio angelica essentiali ordinem dicit ad intellectum Angeli, & visio humana ad intellectum hominis, qui essentialiter inter se distinguntur: Ergo visiones beatifica Angelorum & hominum inter se specie differunt.

Pro solutione hujus argumenti, diligenter observandum est, intellectum humanum & angelicum posse considerari dupliciter, vel secundum rationes differentiales, vel secundum rationem genericam intellectus creati, qua utique communis est. Rursusque talem rationem adhuc posse duobus modis spectari, nempe vel secundum

Tom. I.

A naturæ virtutem, secundum quam habent solùm unitatem genericam, specie multiplicabilem, per differentias intellectus humani & angelici: vel secundum conceptum potentiae obedientialis, qui est unus specie atomâ in utroque intellectu; ita quod multiplicata ratione genericâ intellectus, per differentias illam contrahentes, ratio potentiae obedientialis manet immultiplicata specie in illis: sicut potentia obedientialis rerum non vitalium, que subduntur Deo, ut de illis possit facere quidquid voluerit, non multiplicatur specie in illis, ad multiplicationem entitatis cui competit, sed eadem perseverat in lapide, aqua, & alijs, quamvis sub alijs rationibus specificè distinguantur. His præmissis,

Ad argumentum respondeo, concessò Antecedente, distinguendo Consequens; illudque concedendo, si diversificetur principium formaliter, secùs vero, si solùm materialiter. Similiter distinguo Minorem subsumptam: Intellectus angelicus & humanus differunt essentialiter, in ratione principij visionis, nego Minorem: materialiter & entitatib[us]e, concedo Minorem, & nego Consequentiam. Ratio autem hujus distinctionis & solutionis ex dictis iam constat, visio enim angelica non respicit intellectum Angeli, nec ab illo emanat secundum propriam ipsius differentiam, quâ ab humano differt, nec secundum rationem naturalis virtutis, que solam habet unitatem genericam, sed secundum rationem potentiae obedientialis remotè activa, in qua specificè atomâ convenit cum intellectu humano; & idcirco diversitas qua inter illos intellectus inventur, solùm materialiter se habet ad visionem beatificam, subindeque unam ab alia specie distinguere nequit.

Dices primò: Potentia obedientialis ad visionem beatificam, identificatur realiter cum entitate naturali intellectus: Ergo multiplicata specificè potentia naturali, etiam obedientialis specie variaatur. Consequentia videtur manifesta: videatur enim impossibile, cum duobus differentibus specificè, aliquid specificè unum realiter identificari.

Respondeo concessò Antecedente, negando Consequentiam: ad cujus probationem, nego Antecedens: nam in multorum sententia, relatio identificatur realiter cum fundamento, & tamen fundamento non variato specificè, potest relatio specificè multiplicari, ut constat in albedine, que eadem specificè manens, fundat duas relations specificè distinctas, scilicet similitudinis ad aliam albedinem, & dissimilitudinis ad nigredinem: Ergo econtra poterunt extrema identitatis specificè variari, invariata specificè entitate formaliter identificata cum illis. Verum etiam & bonum identificantur cum ente: quo non obstante, multa quæ in esse entis specie, imò & genere differunt, in ratione veri & boni specificè convenient. Item genus moris cum genere physico realiter identificatur, & tamen plura in genere physico specificè distincta, in genere moris convergent specificè, ut constat in peccato omissionis, & peccato commissionis.

Dices secundò: Intellectus Angeli, & idem est de humano, non influit in visionem beatificam, secundum rationem fibi & inanimatis communem: At potentia obedientialis communis est illi cum inanimatis: Ergo non influit in visionem beatificam, ratione potentiae obedientialis.

Confirmatur primò: Intellectus Angeli influit

V ij